積習之弊在難復本性

古水

幸卯年三月十八 / 2011-04-20

近日余得閒暇, 讀及陳四益先生之書, 閱《積習》是篇, 垂首思之, 感觸頗深, 自以爲其言微而義大, 不可不以之爲誠, 乃思與諸君饗之。

積習

無口國之民皆無口,相見成習,不以為奇。郝敏者,海客也,遇風飄泊至此,遂以面具覆臉,混跡國中凡四十年,漸忘己之有口,口之能言。一日,沐浴罷,置面具于盆側,出行市曹,人皆驚駭,四下奔竄,如見不祥。敏亟歸,攬鏡自照。亦駭異,不知鼻下之孔為何物,亦不復憶此孔之能言也。久思不解,乃復以面具罩臉,欣欣然慶己之又無口也。

雜史氏曰: 積漸成習, 泯其本性。本性之復, 難矣哉。

余今覽之衆人,或汲汲于名利之間,或渾噩而不知己之所向,視非常為平常,等妍媸,比忠奸,不思鋤刈積弊,反耽于安逸。其如是,亦可謂之 L積漸成習,泯失本性,殊難復矣。是曰于今之世,爲君子笑者,豈獨一海客耳?